



Musliman ima šest obaveza/prava prema drugom muslimanu." Neko je upitao o kojim se to pravima radi, a Poslanik reče: "Kada ga sretneš, nazovi mu selam. Kada te pozove, odazovi mu se. Kada od tebe traži savjet, posavjetuj ga. Kada kihne, pa se zahvali Allahu, uputi dovu za njega. Kada je bolestan, obiđi ga, te kada umre, otiđi mu na dženazu

Od Ebu Hurejre, radijallahu anhu, prenosi se da je Allahov Poslanik, sallallahu alejhi ve sellem, rekao: "Musliman ima šest obaveza/prava prema drugom muslimanu." Neko je upitao o kojim se to pravima radi, a Poslanik reče: "Kada ga sretneš, nazovi mu selam. Kada te pozove, odazovi mu se. Kada od tebe traži savjet, posavjetuj ga. Kada kihne, pa se zahvali Allahu, uputi dovu za njega. Kada je bolestan, obiđi ga, te kada umre, otiđi mu na dženazu."

[صحيح] [رواه مسلم]

Poslanik, sallallahu alejhi ve sellem, pojasnio je da musliman ima šest prava kod svog brata muslimana: Prvo pravo: kada ga sretne, treba da ga poselami riječima: "Es-selamu alejkum," a ovaj treba da odgovori sa: "Ve alejkumus-selam." Drugo pravo: da se odazove na njegov poziv, bilo da je riječ o svadbenoj gozbi (velimi) ili nekom drugom pozivu. Treće pravo: da mu pruži iskren savjet kada ga zatraži, bez dodvoravanja i obmane. Četvrto pravo: kada kihne i kaže: Elhamdulillah (Hvala Allahu), ti mu reci: Jerhamukellah (Neka ti se Allah smiluje). On zatim treba odgovoriti: Jehdikumullah ve juslihu balekum (Neka vas Allah uputi i popravi vaše stanje). Peto pravo: da ga obiđe i posjeti kada se razboli. Šesto pravo: da mu klanja dženazu kada umre i da mu je isprati sve dok ne bude ukopan.

<https://sunnah.global/hadeeth/bs/show/5343>

